



Saopštenje za štampu br. 07/114  
ZA NEPOSREDNO OBJAVLJIVANJE  
30. maja 2007.

Međunarodni monetarni fond  
Washington, D.C. 20431 USA

### **Konsultacije po članu IV za 2007. godinu: Preliminarni zaključci**

U prilogu se dostavljaju preliminarni zaključci misije MMF-a, predvođene g-dinom Dimitri Demekasom koja je vodila konsultacije po članu IV za 2006. godinu. O ovim zaključcima misije vođeni su razgovori sa članovima Fiskalnog vijeća Bosne i Hercegovine 21. maja/svibnja.

Misija Međunarodnog monetarnog fonda je uputila sljedeće poruke Fisklanom vijeću:

**Ekonomija je u 2006. godini ostvarila dobre rezultate koji će i u 2007. biti takođe dobri.** Ovako dobri rezultati su odraz povoljnog vanjskog okruženja, efekata ranijih ekonomskih reformi i stranih ulaganja.

**Međutim, dugoročne slabosti ekonomije i dalje ostaju.** Vjerovatno je da će se deficit vanjskog tekućeg računa platnog bilansa u 2007. godini produbiti. Nije vjerovatno da će ekonomski rast dovesti do pada broja nezaposlenih, niti će od njega jednake koristi imati svi regioni u zemlji. Uostalom, kao što smo upozoravali i prošle godine, neuspjeh vlade da se odupre troškovnim pritiscima će se odraziti u naglom pogoršanju vladinog balansa u 2007: ako se ne preduzmu ozbiljne mjere s ciljem kontrole potrošnje, akumulirani suficit iz 2006. godine od nekih 3 posto BDP-a će ispariti i opća vlada će zabilježiti deficit od 1 do 1,5 posto BDP-a u 2007.

### **Sada je pravi trenutak da se počnu rješavati ove dugotrajne slabosti:**

*Uvesti red u javne finansije* zaustavljanjem produblivanja budžetskog bilansa vlade, osiguravajući da isplate po osnovu unutrašnjih potraživanja i restitucije budu u skladu sa dugoročnom mogućnošću otplate iz budžeta, i mudrim korištenjem prihoda od privatizacije.

- *Poboljšati institucije i upravljanje javnim finansijama* postavljajući čvrste zakonske osnove za Fiskalno vijeće, postižući sporazum o jednostavnoj, transparentnoj i

poštenoj formuli za raspodjelu prihoda i zaustavljanjem širenja vanbudžetskih fondova i agencija.

- *Ojačati finansijsku održivost* pooštavanjem klasifikacije kredita koja bi bila u skladu sa najboljom međunarodnom praksom, povećaju novčane kazne za banke zbog nepoštivanja prudencijalnih propisa i postepenim olakšavanjem uslova za ročnu usklađenost između aktive i pasive banaka. Povrh toga, i dalje je neophodno objedinjavanje bankarske supervizije.
- *Dovršiti stvaranje jedinstvenog ekonomskog prostora* harmoniziranjem poreze na dobit preduzeća i poreze na prihod građana i osnovicu za doprinose na plaće koje plaćaju poslodavci u oba entiteta uz strogo nadziranje provedbe istih. Potrebno je harmonizirati i osigurati prenosivost penzionog i zdravstvenog osiguranja između entiteta. Uz smanjenja regulatornih opterećenja na preduzeća, ove politike će pomoći u dovođenju aktivnosti u formalni sektor.